



Broj: 01/5-50-1-5-47/10

Sarajevo, 18.2.2010. godine

Z A P I S N I K

47. sjednice Komisije za saobraćaj i komunikacije, održane 18.2.2010. godine

Sjednica je održana 18.2.2010., s početkom u 9,35 sati.

Sjednici su prisustvovali članovi Komisije: Branko Dokić, Sadik Bahtić, Selim Bešliagić, Željko Kuzmanović, Slavko Matić i Husein Nanić.

Odsustvovali su: Savo Erić, Šemsudin Mehmedović i Mehmed Suljkanović.

Iz Ministarstva komunikacija i prometa BiH sjednici su prisustvovali: Kojo Koprivica, pomoćnik ministra, Vlatko Drmić i Božidar Škravan, savjetnici ministra, Milanka Sudžum, šef Odsjeka za komunikacije, Zoran Andrić, viši stručni saradnik za drumski prijevoz putnika i roba, i Igor Pejić, stručni saradnik za licence.

Sjednici su još prisustvovali: Marija Putica, predsjedavajuća Upravnog odbora Radiotelevizije BiH, Zdravko Šavija, rukovodilac ekspertnog tima JRTV sistema BiH, Zijad Sinanović, direktor Sektora za promet i komunikacije Vanjskotrgovinske komore BiH, Zoran Brkić, viši stručni saradnik u Sektoru za odnose s javnošću, Ahmed Jalovičić, sekretar Komisije za saobraćaj i komunikacije, i Aleksandar Ninković, stručni savjetnik u Komisiji za saobraćaj i komunikacije.

Sjednicom je predsjedavao Branko Dokić, predsjedavajući Komisije.

Za sjednicu je predložen sljedeći

D N E V N I R E D

1. Usvajanje Zapisnika 46. sjednice Komisije;
2. Prijedlog zakona o radnom vremenu, obaveznim odmorima mobilnih radnika i uređajima za evidentiranje u drumskom prijevozu, predlažać: Vijeće ministara BiH (druga komisijska faza);
3. Razmatranje informacija o dosadašnjim aktivnostima na digitalizaciji javnih radiotelevizijskih servisa BiH:
 - a) Ministarstva komunikacija i prometa BiH,
 - b) Upravnog odbora RTVBiH;
4. Razmatranje Informacije Ministarstva komunikacija i prometa BiH o dosadašnjim aktivnostima na uspostavljanju TV kanala na hrvatskom jeziku;
5. Tekuća pitanja.

- Dopis Udruženja građana oštećenog vida iz Tuzle u vezi sa izmjenom i dopunom Zakona o Javnom radiotelevizijskom sistemu BiH.

Dnevni red usvojen je jednoglasno.

Ad. 1. Usvajanje Zapisnika 46. sjednice Komisije

Zapisnik 46. sjednice usvojen je jednoglasno, bez primjedbi.

Ad. 2. Prijedlog zakona o radnom vremenu, obaveznim odmorima mobilnih radnika i uređajima za evidentiranje u drumskom prijevozu, predlagač: Vijeće ministara BiH (druga komisijska faza)

Predsjedavajući je pozvao predstavnike Ministarstva komunikacija i prometa BiH da daju uvodnu riječ o Prijedlogu zakona, a zatim otvorio raspravu u kojoj su učestvovali članovi Komisije Branko Dokić i Husein Nanić, te predstavnik Ministarstva komunikacija i prometa BiH Kojo Koprivica.

Predsjedavajući je napomenuo da je uložio amandman na član 39. Prijedloga zakona, a u skladu s članom 109. stav (3) Poslovnika Predstavničkog doma.

Nakon rasprave, Komisija se izjašnjavala o podnesenom amandmanu i Prijedlogu zakona na sljedeći način:

Amandman I. (Branko Dokić)

U članu 39. u stavu (1) riječi: “do 16.03.2010. godine” zamjenjuju se riječima: “do 16.06.2010. godine”.

Komisija je jednoglasno usvojila amandman.

Komisija jednoglasno prihvatila tekst Prijedloga zakona sa usvojenim amandmanom, te predlaže Predstavničkom domu da usvoji Prijedlog zakona o radnom vremenu, obaveznim odmorima mobilnih radnika i uređajima za evidentiranje u drumskom prijevozu.

Ad. 3. Razmatranje informacija o dosadašnjim aktivnostima na digitalizaciji javnih radiotelevizijskih servisa BiH:

- a) **Ministarstva komunikacija i prometa BiH,**
- b) **Upravnog odbora RTVBiH.**

Predsjedavajući je dao uvodne napomene, nakon čega je otvorena rasprava.

U raspravi su učestvovali članovi Komisije: Selim Bešliagić, Branko Dokić, Husein Nanić, Sadik Bahtić, Željko Kuzmanović, predstavnici JRTV sistema BiH Marija Putica i Zdravko Šavija, te Vlatko Drmić i Božidar Škravan iz Ministarstva komunikacija i prometa BiH.

Nakon rasprave, Komisija je jednoglasno usvojila sljedeći zaključak koji upućuje Predstavničkom domu na usvajanje:

Predstavnički dom Parlamentarne skupštine BiH traži od Vijeća ministara BiH da se raspoloživa sredstva akumuliranog viška prihoda nad rashodima Regulatorne agencije za komunikacije BiH za 2008. i 2009. godinu u cijelosti usmjere na realizaciju Projekta digitalizacije prijenosnog sistema Javnog RTV sistema BiH.

Komisija je, u okviru ove tačke dnevnog reda, usvojila i sljedeće zaključke:

1. Komisija će ponovo razmatrati dostavljene informacije o dosadašnjim aktivnostima na digitalizaciji javnih radiotelevizijskih servisa BiH u prisustvu ministra komunikacija i prometa BiH;
2. Komisija smatra da je potrebno da sve aktivnosti u vezi s prikupljanjem donatorskih sredstava za potrebe digitalizacije javnih radiotelevizijskih servisa BiH vrše nadležne institucije u skladu sa zakonskim ovlaštenjima;
3. Traži se od Upravnog odbora Javnog RTV sistema BiH da Komisiji dostavi finansijski plan za realizaciju Projekta digitalizacije mikrotalasnih veza Javnog RTV sistema BiH.

Ad. 4. Razmatranje Informacije Ministarstva komunikacija i prometa BiH o dosadašnjim aktivnostima na uspostavljanju TV kanala na hrvatskom jeziku

Predsjedavajući je dao riječ izvjestiocu Božidaru Škravanu iz Ministarstva komunikacija i prometa BiH, nakon čega je otvorena rasprava.

U raspravi su učestvovali članovi Komisije: Selim Bešliagić, Husein Nanić, Sadik Bahtić, Slavko Matić, predstavnici Ministarstva komunikacija i prometa BiH Božidar Škravan i Milanka Sudžum, te Marija Putica, predsjedavajuća Upravnog odbora RTVBiH.

Komisija je primila Informaciju k znanju.

Ad. 5. Tekuća pitanja

- **Dopis Udruženja građana oštećenog vida iz Tuzle u vezi sa izmjenom i dopunom Zakona o Javnom radiotelevizijskom sistemu BiH.**

Komisija je odlučila da se razmatranje ovog dopisa odgodi za sljedeću sjednicu.

Predsjedavajući je zaključio sjednicu u 11,10 sati.

SEKRETAR KOMISIJE

Ahmed Jalovičić

PREDSJEDAVAJUĆI KOMISIJE

dr. Branko Dokić

Dostavljeno:

- INDOK-u
- a/a